

Tiac Kosro





Pahpah tomowos Inkuhsrao El luhngse kowos ac kena tuh kowos in engan mihsenge ac nuh tok ma pahtpaht. El sang kahs in kahsrüh ac masap uh nuh sin mwet pahluh uh in kahsrwe kowos. Sie masap na enwenweyuck nuh ke mihslac ac insewowo pa masap se nuh ke nwacsnwacs luhn mahno, etweyuck muh masap ke tiac kosro. Leum El akiac masap se inge ke muhtwacwacackiac ah, ac El ahkkahlwemye wo yohk srihpaciac nuh sel Mwet Pahluh Joseph Smith suc pa sie ip ke Fohlohkyak ke wosasuc luhn Jisus Kraist. Ahkostwen nuh ke masap se inge pa ma enwenweyuck se nuh ke pacptais ke Alu luhn Jisus Kraist luhn Mwet Luhlalfongi ke Lwen-sahflah.

Meac Masap ke Tiac Kosro uh?

Luhngse luhn mahno inmasrlon pahyuck se ma na kahto ac muhtahl se ke akwuck luhn God nuh sin tuhlihk Nahtuhl. Sie ma ahkkahlwemye luhngse inmahsrlon


*M*asap ke tiac
kosro enenuh tuh
ma kuhpahsr nuh
ke moul in mwet in
karihngihyuckyang
inmahsrlon mukul se ac
muhtwacn pahyuck se.

pahyuck se ac lwelah mukul ac muhtwacn pahyuck an in wi pac ke taflwelah moul uh. God El sapkihn tuh kuh muhtahl se inge in lwelah inmahsrlon na mukul se ac muhtwacn suc pahyuck ke masap. Masap ke tiac kosro ma nuh sin kwewa mukul ac muhtwacn. Oasr kac pa in wacngin na pwacye kuhpahsr luhn ohsun in mahno met

liki pahyuckyak ac orek fahko ac inse pwacye nuh sin sie tukun pahyuckyak.

Weacng in karihngihn moul in ohsun luhn mahno ke pahyuck, kuht ahkos masap ke tiac kosro ke kuht karihngihn nuhnak lasr, puhsrwacsr, ac orekma lasr uh. Jisus Kraist El luti, “Kowos lohng tari lah tuh fahkwack selos ke pacl somlah ah, Nik kowos kosro: tuhsruhk Nga fahk nuh suwos, Lah el suc liye sie muhtwacn ac ke oruh kuhtuh ma nuh sel, kosro nuh sel ke insiac!” (Mattu 5:27–28).





Efuh Kuh Ngan Karihngihn Masap luhn Tiac Kosro?

Pahpah tomowos Inkuhsrao El acse masap ke tiac kosro in karihngihn ac ahkinsewowoye kowos. Oacna ma muhtahl nuh kwewa, oruh ke ohsun luhn mahno uh enenuh in ahkkalwemyeyuck fal nuh ke kohkoh luhn God. Ke kowos karuhnguhnwacng masap ke tiac kosro uh, kowos fah pulakihn insewowo, mihs lac, ac ahkfuhlwactyeyuck. Kowos fah engan ke luhlalhfongiuck ac kuh in nuhnak ke kuhpahsr in sucu lowos an, ac kowos fah ahkinsewowoyeyuck ke kuh in sifacna karihngihn. Kowos fah engan ke mwe insewowo ke wosasuc luhn Jisus Kraist ke orekma luhn Nguhn Muhtahl.

Setuhn el kohllah mwet uh in luhlalhfongi lah ohsun in mahno sahyen pahyuck uh lwelah ac arulacna engankihnyuck.

Tuhsruhtuh ma na koluk se; God

El luti pacl nuh kwewa tuhlihk nahtuhl uh in suwohs ac nwacsnwacs (liye Exodus 20:14 ac Alma 39:3–5). Ip yohk se inge ma nwe tok ma pahtpaht.

Ke kowos moulkihn masap ke tiac kosro uh, kowos fah:

- *Suli Nguhn Muhtahl nuh ke moul lowos an.*
- *Ahkyohkyaclichk ahkfuhlwaction sifacna ke kowos karihngihn kowos sifacna.*
- *Yohkwaclichk inse pwacye ke kuhpahsr lowos an.*
- *Yohkwaclichk ke lungse nuh selos raunikowoslac.*

Kuhnahoslah masap ke tiac kosro lain kuh se luhn God El acse nuh ke orek fahko; ahkkahlwemye pihlacsr lasr nuh sel ac tuhlihk Nahtuhl. Ahkfohkfohkye ip luhn nguhn ac kwacna oruh in ahkmwen, insucfngal, fahsrwelihk luhn pahyuck, mas, ac kuhnahoslah pihlacsr la. Elos suc seahkos masap se inge fihsracsr in puhtatyang nuh ke mwe sruhf lal Setuhn. Ma koluk se inge oacyacpac lihksreni na ahkkolukye mwet ke sucu se ac mwet sahyac uh.

Ngwac Karihngihn Masap ke Tiac Kosro uh Fuhkah?

God El enenuh moul arulacna utuftuf sin tuhlihk nahtuhl uh. Nuh ke karihngihnyacn masap ke tiac kosro uh, kowos enenuh in ahollah nuhnak, kaks, ac orekma fohkfohk ke ma nwacsnwacs uh. Ip yohk ten inge fah kaksruh:

*“Lwelah ma wo in tiac
tui in ahkwoye nuhnak
lowos an; na kuh in
nuhnak lowos fah kuhi ye
muhtuhn God.”*

liye D&C 121:45

Nuhnak. Nuhnak wo ac ekastwen uh fah sinuckuhnlah nuhnak koluk ac sowac liki moul lowos an. Ke kowos nwacklah moul lowos an ke nuhnak ac orekma wowo uh, kowos ac kapkapwack ke kuh in ahol ac kuhtanglah nuhnak ahkmuhnahs. Riti ma suhmuhslah uh, kuhlwasnapsuh sucu lowos an,

moniuck ke orekma, ac eskomyang nuh ke mukwikwi ahkpwacr wowo fah kaksrwe kowos karuhnganwacng nuhnak lowos an.





Tiac lohacng nuh ke petsac koluk ke atac nuh kwewa. Ma upac in tuloki ac kunaustwen se. E fah pihsrwaclah ahkfuhlwact lom keim sifacna ac mwe srui se ke kahtoiyen mouh uh. Tiac lwelah nuhnak lowos an in suk ke nuhnak fohkfohk kuh lumah koluk uh. Nimet liye, riti, kuh lohng kuhtwena ma suc petsacelah kuh ahkuhtweyac ke monun mwet se kuh kosro ke inkacnek na kuhpahtol se. Tiac liye ke nuhnak sakihrihk nuh sin mwet sahyac, ac kahingkuhnlah petsac mukwikwi tohuyak, petsac ke tifi, Internet, puhsren on, puk, mackuhsin, ac mukwikwi an.

Kahs. Lwelah kahs lowos an in muhsaheack mwet sahyac uh and ahkkweyaclos. Sislah kahs in ahkkohluk, kahskahs koluk, ac kahs kupahtol, ahksruhksruhk, ac sifac ke sramsram lowos an.

Mukwiwki. Oruh in ahkfuhlwactye mwet sahyac an ke pacl nuh kwewa. Nukum nuknuk fal. Kowos fin esam lah kais sie mwet pa tuhlik nuhtin God, ac kowos fin oruh ma nuh kwewa in kahsrwelos nuh kwewa sahyac ukwe plwacn Lal, na kowos fah ahkkweyeyuck ke finsrak lowos in liacacng masap ke tiac kosro.

Sulwaclah ingena lah kowos fah tiac oruh kuhtwena ma sahyacn pahyuck in puhakwack puhla fokoko ma enenuh in ahkkahlwemyeyuck muhkwenah ke pahyuck uh. Nimet pihrihk puhla ingacn yurin mwet sahyac kuh nuh sum sifacna. Nimet wi mukwikwi luhn mukul luhngse mukul kuh muhtwacn luhngse muhtwacn kuh kuhtuh pacna mukwikwi kuhpahtol. Ahollah mukwikwi

an ma kowos kuh in sruhflah in seahkos masap ke tiac kosro wi mukwikwi in ahkwoye ac ma kowos pwacr in oruh. Ke moul in pahyuck, sruokyac kuh luhlahlfongi nuh sin muhtwacn kiowos kuh mukul tomowos ke nuhnak ac orekma lowos.

Mweyen moulkihn masap ke tiac kosro fah ahkfototoye kowos nuh sin God, Setuhn el fah srihfe kowos in kuhnahoslah masap se inge. El etuh ke pacl kowos muhkuh, fohsack, kuh suhpwacr, ac el fah srihfe kowos ke pacl kowos muhnahs. Pruhe nuh sin Pahpah Lucng ke kahsruh, ac El fah usot kuh in lain mwe sruhf (liye 1 Mwet Korinth 10:13). Ke kowos luhlahlfongwel ac ukwe ip yohk inge uh, kowos kuh in kutanglah mwe sruhf.

Mwe in sewowo ke Moulkihn Masap ke Tiac kosro

Ke kowos moulkihn masap ke tiac kosro, kowos fah ikacklah yohk nuh ke ohiyac luhn Nguhn Muhtahl. Ke kohkoh luhn Nguhn Muhtahl, kowos fah ahkyohkyelihk lahlmwetmwet, sun ma upac ke puhlaik yohk, puhla kahsruh ac kohkoh luhn God ke moul lowos, ac kowos fah mwe srihkasrak nuh sin sucu lowos ac mwet sahyac an. Luhngse lowos nuh sin mukul ac muhtwacn kiowos ac elos suc kowos luhngse fah loali, kahsruhpi ac yohk kalmeyac. Kowos fah puhlakihn mihs yohk sifowos.



*Fin ne ke ma kowos
oruh ke pacl somlah,
mwe in sewowo yohk uh
tuhpan kowos fin kowos
muhtwacwacack ingena
in moulkihn masap ke
tiac kosro.*

Ke ma suhmuhslah uh kuht
etwacalah lah mwe engan na pwacye
uh tuhkuh ke ahkostwen ke masap
luhn God (liye Mosiah 2:41) ac lah
“ma koluk uh nuhna tiac na mwe
engan se” (liye Alma 41:10).

Kowos fin kuhnahoslah
masap ke tiac kosro, God El
ahkfihsracsryelah nuh suwos in
auliak ac sifilpac nwacsnwacslah.

Auliyak ingena ke ma suhfal somlah, ac otwelah in
moulkihn masap muhtahl se inge. Ke Iwacalah luhn
Jisus Kraist ac auliak pwacye, kowos kuh in nuhnak
muhnahsyeyuck ac puhla mihsalac.

TAHFWEYACN MWE LUTLUT

Kuhsen siuck ac ma suhmuhslah ten inge fah kahsrwe kowos luti yohk ke ip yohk lun puk srihsrihk se inge. Nacmpuh srihsrihk ac ma in ahkkahlwemye ke koanon ma suhmuhslah an fah usot nuh sum ke tuhtahflah luhn pohloh kaks ac suhngan kahsrueh ke ip yohk inge.

Meac kalmacn karihngihn masap ke tiac kosro uh? Efuh ku masap se inge arulacna yohk srihpac?

Exodus 20:14 (Pwacpuhl, Wuhlweacng Mahtuh)

Soakas 6:27–32 (Pwacpuhl, Wuhlweacng Mahtuh)

Titus 2:11–12 (Pwacpuhl, Wuhlweacng Sasuc)

Alma 39:3–5 (Puk luhn Mormon, sra puk 306)

3 Nephi 12:27–30 (Puk luhn Mormon, sra puk 432; liye pac Mattu 5:27–30 lun Wuhlweacng Sasuc)

“Sucu: Sie Mwe Fahkwack nuh fin Facluh” (Misineri an kuh mempucr se ke Alu an kuh in kahsrwe kom eis sie kapi ke ma sihmlac inge ac ke *True to the Faith* ac *Nuh ke Kuhiyen Mwet Fuhsr*, tahkihnyucklac ten. Kowos oacyacpac kuh in sokwack ke online ke www.mormon.org.)

“Chastity” *True to the Faith*

Ngwac eis fuhkah kuh nga enenuh in karihngihn ke masap ke tiac kosro uh?


1 Mwet Korinth10:13 (Pwacpuhl, Wuhlweacng Sasuc)

Mosiah 4:29–30 (Puk luhn Mormon, sra puk 157)

Alma 38:12 (Puk luhn Mormon, sra puk 305)

Nuh ke Mwet Fuhsr puk srihsrihk

Meac Nga Fah Oruh Uh?



- Tahfwelah ritiacn Puk luhn Mormon.

Mwe rit tohuyak: _____

- Moulkihn masap luhn tiac kosro. Pruhe ke kahsrub in karihgihn masap se inge.

- Wi alu ke Sacnri uh.

- Tahfwelah in ahkoo nuh ke pacptais uh.

Lwen in pacptais: _____

- Muhtwacta nuh ke www.mormon.org in ahkyohkye etwacack ke Alu luhn Jisus Kraist luhn Mwet Luhlahlfongi ke Lwen-sahflah.

- Tahfwelah in ohsun yurin misineri an in ahkyohkye etwacack ke fohlohyak luhn wosasuc.

Tuhkweni se tohkoh an: _____

Ine ac tahlohfong nacmpuh luhn misineri an:

ALU LUHN
JISUS KRAIST
LUHN MWET
LUHLAHLFONGI LAL
KE LWEN-SAHFLAH

www.mormon.org

Image Credits

Luhkuh met, ip srihsrihk ke *Hear Ye Him*, sel Simon Dewey. © Simon Dewey
Sra puk ahk 6, *Mwet Lahngo*, sel Del Parson. © Del Parson
Sra puk ahk 5, Wei-Siang Wang. © Wei-Siang Wang
Sra puk ahk 9, Hyun-Gyu Lee. © Hyun-Gyu Lee
Sra puk ahk 13, Tokio Onogi. © Tokio Onogi

© 2012 sel Intellectual Reserve, Inc. Kuh ac suwohs nuh kwewa fihliyucki.
Sihmiac fin acn USA. Ahkweyeyuclac ke kahs English: 2/06. Ahkweyeyuclac
ke lweng: 2/06. Lwenglah luhn Chastity, Kosraean. 01147 868

KOSRAEAN



4 02011 47868 5

01147 868